

Sharon Rose y Marlene van Ramshorst ta sali dilanti



Sharon Rose y Marlene van Ramshorst

ORANJESTAD(AAN)--

Un di e eventonan grandi di e convencion di Chic, tabata "Chic goes Dutch Caribbean". Di e forma aki Golden Tulip a bolbe registra un logro importante. Dos persona cu sigur ta aporta na e hotel ta Sharon Rose y Marlene van Ramshorst.

For di momento cu Golden Tulip Aruba Caribbean hotel a habri su portanan atrobe pa publico, eventonan grandi a keda registra na e hotel, cu antayera a presenta "Chic goes Dutch Caribbean" na e alrededor di 900 participan-

tenan.

Staff y personal di Golden Tulip a sali dilanti atrobe cu otro exito. Dos persona cu ta aporta enormemente na Golden Tulip ta Sharon Rose, Social Activities Director y Marlene van Ramshorst Guest Relation Manager. Nan a coordina y organiza e evento di antayera cu gran exito.

Marlene van Ramshorst ta un persona cu ta desplega un labor tremendo na Golden Tulip y semper e sa di laga cada huesped sinti nan mes manera un Rey. Esaki participantenan na e evento di Chic tambe por a

constata antayera.

Sharon Rose, conoce cada huki di e hotel y a move ariba tereno internacional cu Chic, demostrando asina e conocimiento cu el a acumula den pasado cu tradeshows na Miami, Puerto Rico y Colombia. Chic a kibra tur record den eventonan turistico, sin embargo.

Conoci como artista tambe, Sharon Rose a laga Chic 1988 goza di su talentonan artistico durante e show especial, caminda a presenta talentonan Arubiano na bishitantenan den cuadro di Chic.